

(Tra satira e umorismo.)

A COMARE PRIORISSA E AMIGAS.

)°(

Cando sonat sa campàna
 ch'essit semper puntuale;
 issa jughet pagu sale
 e su cherbeddu cunfusu;
 andande, in su punt'a susu
 bi l'acconcat fina a trotto
 non narat mai: non potto
 non li dolem sos istincos,
 andat e torrat^a brincos
 pudderiga zuffi cana.

Che crabas chene traccone,
 a passu 'e carabinieri
 che falan da-e Drachèri
 da-e su coddu 'e Coronas,
 priorissas e santònanas
 faghen coro in sa capella,
 sa cantòra pius bella
 est comare cun sa parrùcca
 cando aperit sa 'uca
 paret issa unu trumbòne.

Camminande impresse impresse,
 zuffi cana e cari sica
 milla a comare Borica
 arribande este issa puru;
 chentu francos in maduru
 cheret ponnere in oferta,
 don Matzone este a sa lerta
 cun s'istòla fata a frusta
 cando non bidet sa busta....
 narat sa missa a s'imbesse.

Custa missiòne pia
 las hat postas tottu in mottu,
 carmelitanas a trottu
 priorissas de antig'usu,
 sas de su coro 'e Gesusu
 ogni die arrivan prima
 sas chi andana arrima arrima
 faghen tardu e pregan fora
 tuccadebos a bon'ora
 comente a comare mia.

Antonio Francesco Pira

ANTONIO FRANCESCO PIRA